

¡BOMBA!

Surrealistas y comunes sesiones en el Senado; así hemos atestiguado salto a la historia de Yunes



K'uintsil

Miércoles 11 de septiembre de 2024

CAMPECHE · YUCATÁN · QUINTANA ROO · AÑO 10 · NÚMERO 2318 · www.lajornadamaya.mx

Ts'o'ok u náakal 127 máak kimen tu lu'umil Vietnam yóok'olal chak ik'al Yagi

U xookil máaxo'ob kiimil yóok'olal u chak ik'alil Yagi, tumen jaats'naj tu noojolil Vietnam, jnák 127 u túulal, beey úuchik u ts'aabal kajóoltbil le martes máanika' tumen kúuchilo'ob k'a'aytik péeksilo'ob te'elo', tu'ux xan a'alabe' yaan 54 máak saatal.

U kúuchil Agencia Vietnamita de Información (VNA) tu ch'a'achibtaj ba'ax a'alab tumen u meyajnáalilo'ob kool ti'al u jets'iko'obe' jach beey ucha'ano'.

Óoli' kex 210 mil eektareasil koolé' jach k'aschajj, ts'o'oke' kiim xan kex 734 mil wakaxo'ob yéetel xkaaxo'ob ku yaalak'ta'al, je'el bix a'alabik tumen VNA.

Beyxan tu noj lu'umil China yéetel Filipinase' xoka'ab xan kex 82 kimeno'ob yéetel 64 máak saatal.

Búulkabil yéetel luuk' áalkabnaj yóok'olal le k'a'ankach cháako' tu loobiltaj kex 752 máako'ob, a'alab tumen máaxo'ob xakaltik desastres naturales.

Aj-áantaj máako'obe' tu xachubáaj u yáanto'ob máaxo'ob paatalo'ob yóok'ol u najo'ob úuchik u láaj búulul kaaj tumen Yagi.

Chak ik'ale' kóoj te'elo' tu jaatskab k'iinil le sábado máanika', tu baantail Haiphong, ts'o'oke' jats'aab beey u asab k'aamil jaats'haja'an tu xamanil Vietnam ichil u ts'ook óoxpéel lajun ja'abo'ob. u k'aamil u jaats'e' kuch tak 149 km/h.



Afp / p 28
Oochel Ap